

中華民國五十八年十月初版

近代中國史料叢刊 第四十二輯 精裝：十六冊

定價：新台幣



版權所有

主編者：沈雲龍

發行人：李振華

臺北縣永和鎮中興街99巷8號

出版者：文海出版社

郵政劃撥戶第二七八四號
電話：九二一—二六五九號

印刷者：美明美術印刷廠

臺北市康定路二〇二號

經銷者：全省各大書局

內政部登記證內版台業字第〇八〇〇號

辛亥革命始末記

白序

辛亥之秋八月既望武昌起義各省響應詳閱報章默察時勢預料中國此次革命大功必可告成然而熱心諸志士逐日進行之手續雖已詳載各報儻非逐日採集彙爲一編誠恐時過境遷報紙散佚革命成功之後凡我同胞克享共和幸福飲水思源上溯當日熱心諸志士若何革命曷以成功求其詳情竟不能得必深恨無書之可攷而熱心諸志士耗費若干心血犧牲若干頭顱舉凡若何革命曷以成功逐日進行種種手續恰如白駒過隙星移物換遂至湮沒而不彰尤可惜也故自八月二十日起逐日選擇京津上海各報章分門重印初冊選齊適值前清有實行立憲之諭故名曰實行立憲彙編茲因辛亥十二月二十五日議和完結革命成功是編遂於是日截止而欣然易其名曰辛亥革命始末記至若由中華民國臨時政府逐日組織以冀我中華民國鞏固

中華民國元...

501 40201

無疆之政府正式成立擬仍逐日選集京津上海各報彙成一編陸續付印名曰中華民國之由來蓋一則為破壞時代之事一則為建設時代之事自宜劃分兩編各據實以命名也又查是編原分六門第一第二兩次議和情形辛亥冬付印時已附入各省門旋因議和暨關係議和之要件甚多故又增加議和要件兩門而將第一第二次議和情形復錄於議和門重複之弊閱者諒之又出板所以遲遲至今者乃因省城遭兵燹後印刷所無人故茲已告竣謹誌願末以冠於是編之首

中華民國元年六月十五日即壬子年五月初一日

渤海壽臣謹誌

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



實行立憲彙編

自序

溯自八月十九日武昌事起官界即取締報館禁止登載川鄂等事甚非計也殊不知各報館俱有分布各省之探訪員逐日調查各省實在情形隨時報告是各報乃爲我中國朝野上下諸同胞擔任探訪之職務者也近旬餘間謠言四起官眷急急潛逃學界紛紛告假誠恐散處鄉閭無報可閱不能周知各省實在情形勢或誤聽道路訛傳以致人心惶惶不定故採集八月二十日以後京津上海各報按期彙刊爲我中國朝野上下諸同胞擔任總探訪員之職務隨時報告以安人心初冊告竣擬行付刊適值九月初九日上海諭特頒實行立憲立憲果能實行是我中國朝野上下諸同胞之幸福也遂不禁禱切盼切欣然取是編而命名曰實行立憲彙編

宣統三年九月初十日渤海壽臣氏謹誌

例言

一 內容共分六
登載

一 按月分期出

一 出板計遲十

錄上海報每

一 付刊畧分緩

各省與奏摺

齊

一 是書名曰彙

及語不成句

適爲無縫天

(武昌)

鄂省中秋日之大恐慌 八月二十日時報

○疑心生鬼 ○庸人自擾

○鄂省此次戒嚴係因粵督來電云黨首黃興已率大批黨人至鄂故官場甚為恐懼防範異常周密頃聞駐日我國公使及北京英國公使前日均警告我外部以日本香港兩處革黨聞悉湖北因川亂陸軍調赴援救及至邊界防堵者已逾半數武昌兵備空虛此乃千載一時機會惟彼黨因屢次失敗耗資太鉅現在惟於洋傘柄中藏有利刃竝造成一種最靈捷之短槍亦可作洋傘柄之用以免沿途關卡搜獲其炸彈則藏於手提各種皮絨包中約定中秋之夕以一股炸轟督署以一股劫軍械庫聯合新軍起事業在軍界煽佈黨羽外部據以密電到鄂此官場近日恐慌所以愈甚也

○督轅守衛之兵除特別警隊右路巡防隊憲兵隊警務公所消防隊地方巡

營第八鎮工程營而外昨復調第八鎮馬隊一隊全掛武裝駐紮大堂前防守聞瑞督初意本不欲用陸軍經統制張彪力請以各標營自繳械以後已大疑異若不用其守衛是明明目之爲匪竊恐因疑懼生變張某豈能擔此重咎於是在工程營首先挑選性情誠實有家眷在省之兵（因工程營名譽較別標好從未釀事故敢用之）一隊有餘到轅嗣挑選馬隊亦如之現各守衛軍警按日均有賞資中秋日每名且賞錢二千以期買其歡心

○督轅圍牆四周房屋多係公館民居現見轅前日紮重兵若臨敵然又因謠言革黨先攻督署深恐被其波累連日紛紛遷避其未遷徙者咸於中秋之夕往親友家借宿避難至十六日見無舉動人心始爲稍安又往屆中秋夕街市上行人如織且多鼓樂送喜瓜者本年因鬧革黨是夜起事闔省人心惶惶不獨無人送瓜點綴節景而行人亦寥落如晨星焉各種應節食物及各項商店生意均不暢旺是亦受謠言之影響也

○瑞督因聞陸軍與黨人聯合之說傳軍事叅議官鐵忠到轅籌劃防務當計
算省中現有巡警防營憲兵衛隊四項不過千六七百人設新軍果變此千餘
人曷足抵敵爰問鐵參議有何良策鐵囁嚅不能對聞瑞督斥之曰緣營雖不
能戰防守地面甚爲可恃汝力主持照院全裁如今弄得陸軍盡是反叛祇好
坐以待斃鉄不得已自請赴各標營演說曉以大義詰以忠愛幾於舌敝唇焦
云

○督署各委員繕書僕役雜夫人等出入均以腰牌爲憑各員役房中每夜由
特別警察隊隊官帶兵清查二次以防閒雜人等混入除司道以下各官均須
在轅門外降輿每員祇准帶跟丁一名入署轅門以內禁止人行至夜間即轅
門外亦不准經過昨有漢口外中大葯房店夥某甲誤入轅門以內稍與衛兵
爭執即被拘留一日之久次日始交警區保釋

○陸軍各營兵士之素性好事者前於砲營鼓噪生事之後已開除多人茲經

張統制密飭各該營帶凡營中喜閱新書報言大氣昂及剪辮之兵均着開除派員遣送回籍不准在省逗遛所遺缺額暫不招補以防黨人混入營中並嚴禁聚談戒嚴事此營此隊不准與彼營彼隊往來如有五人以上聚而私談查出以違令治罪中秋之日照常在营操課有宴室者准其請假限定下午五句鐘以前回營各營於筭期向有酒殺此次有殺無酒如私飲酒查出嚴辦

○漢陽兵工廠設在江岸爲製造軍械火葯之地向係四十一標二營駐戍鄂督以該營管帶葛望太輕特派混成協統黎元洪親自駐廠以備遇有警變調遣他營援助防省城塘角爲民舟泊風之所該處窮民衆多最易藏奸向紮有混成協馬隊十一營在彼坐鎮而十五日鳳聲緊急時鄂督又派湖準雷艇管帶林振鏞將該輪開赴塘角停泊湖鵝雷艇管帶林選亮將該輪開赴兵工廠江岸停泊名爲防範匪徒實則防備兵變也此外長江艦隊楚謙楚同楚有各艦及本省懸防艦隊楚材楚安江清江泰四兵輪十四日起至十六日一律

停泊武漢江面生足火力擦磨砲位若預備戰鬪者然

武昌失守八月二十一日附報

○湖北革命黨聯合第八鎮新軍昨晚(十九夜)起事向督署圍攻拋擲炸彈全署被燬瑞督得衛隊保護出城不至遇難現移駐楚豫兵輪

(二十日午刻漢口專電)

○瑞督逃後革黨分隊往攻各衙署或焚或擄各官多被擄殺全城遂陷

(二十日午刻漢口專電)

○聞事起時新軍在內作應革黨由城外攻入故能得手

(二十日午刻漢口專電)

○革黨據城後以軍政府名義出示安民禁殺無辜并聲明不犯外人

(二十日酉刻漢口專電)

○瑞督家眷已先遷避故均無恙聞瑞已致電其公子(現在上海)速來漢口

迎接東下

(二十日未刻漢口專電)

○武昌電局已被革黨焚燬故省城電報不通(二十日申刻漢口專電)

○岑雲帥本住城中變起時即避往漢口現幸無恙

(二十日申刻漢口專電)

○荊州宜昌兩處革黨聞亦於今日(二十)響應同時起事

(二十日酉刻漢口專電)

○先是革黨在武漢密謀舉事數月前勾通軍隊輸運軍械種種布置本定於三四月間與廣州同時響應嗣因廣州失敗鄂防嚴密故暫靜伏此次川亂鄂軍紛調入川省城空虛故乘機起事初定十五日繼又改期十八擬圍攻督署旋為英法德領事偵悉密向瑞督告變十八日下午遂下令閉城搜拿先在小朝街拿獲三十餘人內有女黨二名並搜出炸彈多箱訊明首要三人先行正法次日仍閉城查搜革黨見謀已洩故即於是日下午起事

(二十日戌刻漢口專電)

○內閣接鄂督瑞澂急電大爲震動即傳軍諮府陸軍部各大臣秘密會議一面傳諭民政部步軍統領順天府一律戒嚴一面電瑞澂責成速圖收復聞擬調京畿各鎮乘火車南下會勦云

(二十日亥刻漢口專電)

○武昌亂事之發軔

鄂督瑞澂於初九日接到外務部密電及江漢關轉呈英美兩國照會同認革黨黃浦聯絡黨羽多人潛伏長江私運軍火約期於十五十六兩日聚鄂起事并有串通三十標步兵同時策應之約故軍警各界防範異常嚴厲商民居戶大起恐慌及過節後安靖如故咸謂事機漏洩不足爲患矣詎十八日晚九句鐘時荆襄巡防隊統領陳得龍電稟督院在漢口英國租界拿獲革黨二名立時派隊護解督院詢其行蹤自認革黨不諱一名劉汝夔一名邱和商均係留日學生詢其黨羽堅不吐實當即押於督院不日即行正法又第八鎮統制

張虎臣於十八日晚十一句鐘時在司令處查防當有砲隊退伍正目鄧某堅求面見馬弁詳問其故答稱密探某黨約於明晚三句鐘起事并該黨秘密居所三處一在小朝街九十二號一在八十二號一在八十五號請派兵帶同緝拿等情張即上院密商瑞督立派巡防兵一隊警察四十名并督院衛兵數十名手携真槍實彈由張統制帶同往緝先入九十二號該黨正在收拾彈藥立時向外炸擊官兵死刀前進登時拿獲黨徒八名并擊傷督轅戈什及張虎臣護兵數人共八十二號八十五號兩處同時圍住入室拿獲革黨二十七名內有女黨員一名及彈藥多箱軍械數十件至二句鐘時一併捆解督院內有陸軍警察隊一隊一棚正兵彭楚範一名(已剪髮辮)被護兵認識立交參議官總巡審訊供認革黨不諱當於三句半鐘斬決於東轅門外十九日平明時全省文武大員齊聚督院會審供出秘密巡所甚多當於六句時電飭城守十門一律封閉派出巡防隊十二班會同警察沿街密拿商民居戶見城門緊閉大

起驚慌旋即瑞督立飭開城加派巡警防守及九句鐘審定革黨二名提出督院東轅門外斬決示衆所獲餘黨經瑞督會同司道按名提訊本日內一律正法云云

○湖北省垣自礮隊風潮後謠言因之大起咸謂軍學兩界有人與革黨廣通聲氣刻下散佈長江圖謀不軌約期起事督轅及各署局所異常戒嚴此次防範多以警界爲主其軍界不調派平過素純和之步兵礮隊照例查街而已所有巡警道陸軍統制種種籌備居民之惶恐一切情形早誌本報茲悉漢口俄租界寶善里第某號寓有無辯者三人有辯者一人(均湖北人)夥同居處衣服麗都形蹤詭密十八日有二人因事外出內有二人不知作何勾當忽然一聲炸烈火光衝頂直如失慎適有鄰婦某氏受驚墜地跌斃未幾即行消滅當有俄巡捕至寓此二人即已乘間逃走俄巡捕不解原由疑是火警未成即報知捕房捕頭周深知虛無黨情形者前來查勘知是革黨即電知洋務公所吳

令莅臨遍處搜查起獲炸彈手槍旗幟印信札文底冊鈔票匯票函信多件此時往觀者人山人海忽來一無辯一有辯者二人形色倉惶言語支吾當被俄巡捕拘至捕房吳令愷元飛往面稟關道齊耀珊電稟督轅遣派防營兵丁在鐵路輪船碼頭巡緝在逃一面照會俄領事併飭吳令愷元會同夏口廳王丞國鐸將人贓一併提至道署略訊數語供出軍學界多人齊道又電稟督轅飭巡警道就近拿獲二十餘名齊道即親率警務長覃令兆麟加添勇丁將所獲一同押赴武昌督轅投到一時司道各大員均先後齊集逐一審問供詞未詳十九日早陸續就地正法者已有三人是日城門緊閉至上午十句鐘下午十二句鐘又復緊閉所有武漢各官長均一夜不眠謠言又因之大起至詳細情形俟探明再誌

○本月十八夜鄂督署內發見炸藥一箱立時嚴查形迹可疑之人當拘獲署內教練隊學兵二人發督練公所嚴訊供認革黨希圖炸署起事不諱併供同

黨在亂籍者更多當夜奉瑞督命令即將該匪等在署內正法立派員弁分途查拿餘黨斯時督署異常騷動闔城大小文武聞警齊集保衛軍隊防範更嚴直至天明方始安靜各城門至次辰八點鐘方開人心頗爲惶恐現瑞督已密飭嚴加搜查餘黨矣

○鄂督署於十八日查獲革黨二人當夜訊供後即行正法已紀前報先是漢口查獲革黨數人供出同黨多人由江漢關道將該黨解省稟由瑞督於是夜在省城內外大朝街等處客棧及各兵隊形迹可疑者查獲黨人共計二十四名分別收禁瑞督立提各黨審訊遂於天明將供証確鑿之犯兵二名在督署轅門陳案庫處決嗣又正法一人省城各城門約遲至八點鐘後方始開城所有查獲各犯均陸續提至督署由瑞督遴派多員在督練公所隔別鞫訊自辰至午後仍熬審未已一時民間極爲震動當時集有多人在督署外探視凡駐防督署之兵警均異常嚴密戒備此次查獲各革黨起獲軍火器械甚多云

○華帥以革黨除旅館廟宇學社會館漏跡外別無棲身地故飭由巡道派本公所課員率同巡士切實稽查前曾派本署特別警察隊偵探科學兵二十名身著便衣在外密查並聞能破獲黨匪三人以上准予擢升隊官檄由督練公所提前委用賞銀一百五十兩云

聞督憲誠恐大股革黨潛入鄂垣乃於十五日通行省垣文武一體嚴爲防範茲將十五日所有防範加嚴情形詳誌如下 督憲瑞華帥於晚六點鐘時即飭關轅門馬隊八標一標右隊兵士（即十三日督憲照會張統制電飭馬隊八標喻標統化龍派至署內駐防大堂者）移於轅門內駐紮並派特別警察隊兵二十名紮於督院西牆外防守 又巡警道王月莊觀察特飭省垣城外上下區暨漢鎮警務長公所各派巡警分赴武漢各碼頭嚴諭輪划一律至夜八點鐘停渡並飭省垣各區轉飭各城門鑾於晚七點鐘時卽行關城門關城後有持憑照雖稱赴某處有公者須問明暗號方准開城 張統制特飭四十

一標一營兵士於晚七點鐘分巡省陽門外一帶混成協統亦親率本協步
兵分巡武勝門城外及塘角沿江一帶督練公所託事參議官鐵忠以武勝
門外沿江一帶雖經派有砲船巡防然恐力太薄弱特飭湖隼雷艇開往大堤
口駐防并飭湖鷗雷艇開往大堤口對岸漢陽兵工廠前下礮駐防
鄂垣謠傳革黨由南京來鄂以圖暴動之舉自十五日戒嚴益緊一三三四正
堂及五福堂暨會議廳辦公房概係特別警察隊營兵各荷彈槍巡防至二門
頭門均有陸軍步隊一營徹夜駐紮凡在署內辦公無論員司夫役均由庶務
員某令頒給火印腰牌無此不得任意出入云 華帥於是日午後三時由電
話傳集鐵參議張統制黎統領巡警道在署內會議廳籌議會防事宜後復開
秘密談判一點餘鐘始散

○學憲王文宗亦以外邊謠言四起謂竄入鄂省之革黨屬剪髮者十居八九
王文宗以各學堂學生剪髮者亦復不少日昨特飭各學堂監督提調等轉飭

各學生已剪髮者急購假辮以避其鋒

馬謙訪恐有劫牢之舉除飭各級審廳看守所責成所官率同法警防範外至模範監獄乃全省罪犯守法之所非較別監可一日語者當電由右路巡防隊撥弁兵一隊在該獄前先後守衛武昌府候審所亦由陸軍分發少數目兵駐

紮

鄂省自謠傳革黨起事後凡屬行政各局署已特別戒嚴昨漢陽兵工廠總辦王壽昌觀泰以本廠爲全省槍彈總匯之所一有暴動必先影響於此除由萃帥湖鶚雷艇停泊該廠橫堤外江梭巡密查外並移請混成協就近撥馬隊營兵前往駐紮至每晚八時即將各葯彈槍砲存儲室一律封鎖至次晨八時開工始行啓開鑰匙歸觀察佩帶凡員司不得在廠接見親友如有緊要事件由觀察跟丁代達云

漢陽鐵廠向與兵工廠相通近謠言一起鐵路提調章觀察示諭將與兵工廠

相通之西總門關閉無論何人不准出入並加派警兵荷槍梭巡

張虎臣軍門以外邊謠傳謂竄入鄂省之大股革黨與人聯合以剪髮爲記號軍門聞此謠語恐言出有因日昨特傳諭各營官無論官兵有剪髮者嚴加調查是否與革黨通氣等情急速彙報各營管官接傳後自應切實施行一班剪髮官兵惶恐異常紛紛出外購買假辮云

十五協全協原係兵額三千茲因月前川省滋事二十九標二三兩營開防彈壓其餘僅剩兵額二千日昨下午九點鐘時該協兵丁忽爾大聲嘈雜紛紛怪叫捉拿革黨霎時間驚動全協彼此傳音震撼山岳該協附近所住居民以爲革黨起事矣於是相携逃竄者至一點鐘之久始克平息探其原由實係二十標一營管帶邵某因有要事請號外出派護兵至協司署請號該護兵因身着便服不敢遽進協司令署在外伸頭窺探經王統領瞥見問係何人該護兵不答王統領派護弁出外詰問該護兵嚇極掉頭就跑護弁隨後追

趕呼曰汝莫非革黨該護兵仍不答護弁以爲係真革黨即大呼捉拿革黨捉拿革黨以故警動全協彼此接音曰捉拿革黨云

○聞革命黨公舉湖北諮議局長湯化龍爲湖廣總督

○十九夜武昌城內亂起時瑞澂張彪二人先已避出城外故革命軍更易得手

○革命軍已設立紅十字會並設立軍政審判廳其軍令尙嚴過有劫掠等事審實即行斬決

○聞僞金山華僑有長電致賀革命軍電文中有恭賀黎大元帥大喜并祝速成功等語

○革命軍軍用鈔票係淡紅地雙龍紋上刊中華銀行准定稅厘字樣（與交通銀行票略相似）

○革命黨女黨員有一人名龍韻蘭（夫名龍種餘）籌畫內部事宜

○革命軍佔據漢口電報局後僅許發洋文電報華文各電均禁傳遞

武漢革命大風雲

○二十二日快信

○二十日漢口電報局即奉瑞督命不發華文商電故將十九日以後大概情形函述如下

○十八日捕黨三十餘人立斬三人一爲彭澤藩搜出炸彈名冊軍界甚多瑞立傳派標飭各軍將子彈繳還督署委雙壽將子彈發給警兵惟某標旗人甚多未令繳還各軍不自安當晚全軍激變圍攻督署防營初尙保護繼亦中立瑞張當晚逃走或云在德兵輪或云在楚材兵輪或云已逃赴北京各軍臂纏白布脅識長湯濟武(卽化龍)出推爲司令官湯以不知軍事辭乃改脅黎協統元洪爲中華民國軍政府鄂都督(聞黨人原有孫某因炸彈傷被獲現雖救出傷甚重)改湯爲參謀及原在府司獄中之湘人胡經武亦經羅致同參

事務副議長張海若亦被脅去革黨舉事均守秩序不擾商民保護外人居民畏禍逃走者十居八九城門時開時閉民黨把守踞諮議局爲司令部樹七星旗將諮議局遷入教育總會與據蛇山鶴樓凡金融軍火各局庫均爲黨兵把守毫無擾動漢官無恙藩台不知下落勸巡兩道及臬台尙在衙署惟武漢審判廳均解散漢埠初尙安靖廿一日居民出逃者多紛紛持票兌現錢局周轉不靈匪徒乘機放火劫掠鄂湘及裕甯錢局均被燒掠一空幸保安會救護未殃及居民蕪錦街(昨報誤蕪景街)租界華民居戶亦被燒搶數家常晚幸黨人派人過江貼示安民商會及商團亦貼示並派人遍街梭巡夜半風潮始息商民無恙

○二十二日照常開市惟其昌錢號及德昌錢號均被燒搶大清交通興業各銀行停市各報停版

○昨日(廿一日)有湘兵河南兵到鄂未見動靜風聞已聯絡一氣未知確否

漢陽昨晚又失守另稿附呈本埠目前尙覺安靜將來如何現象尙難逆料流
氓甚多保安團恐無濟於事也

○又二十二日漢口函述二十一日漢陽失守後各情如下

○革黨鄂軍都督於二十一日將燃燈時遣派民軍一排爲漢陽府署週尋琦
璋踪跡未獲本擬將衙署焚燬因毗連均係民房故派人防守頭門夜深未散
惟聞上房火起究不知如何起釁當時救護得力尙未成災

○縣署監獄計囚犯五十餘名東西兩留置所及捕下習藝所官媒班廳等處
所押者亦有二百人之譜亦於燃燈時候由民軍盡行提出站立兩傍諭以爾
等有被牽連者有犯法律者有罪名不當者均係我等同胞不公平莫此爲
甚今勸爾等出去之後痛改前非有親屬者各人回家探親願隨從者亦聽其
便但不准稍爲大意擾害民間須知我們爲除口奸而起當時附和拍掌之聲
不絕於耳堂堂正正嚴肅雅靜真有國民一番新氣象也

○民軍因街市各商鋪戶有午後關門者恐謠惑人心特佈告商民我與民間秋毫無犯爾等照常貿易毋得關門罷市凡往來民軍在市買賣食物均先給錢故民間極表歡迎

○民軍至縣署時張振聲大令并不在家尋人竟至萬攝伯家始一同回署嗣將人犯提釋後略備酒餞請各民軍飲饌並派軍防守頭門極形慎重

○二十一日四句鐘時有旗人兵輪二艘由下而上駛至漢陽山頭江中即停輪開砲當由駐紮大別山之民軍攻擊兩砲均中船身該旗兵兵輪即反機下游去矣

○二十二日清晨漢陽府署內上房僕役等因分瑋璋衣物等件不勻自行放火延至二堂花廳均已燒燼當經民軍前往鎮壓救滅並未殃及左右隣舍

○府署放火後民軍在署內拿獲年逾五十老耆一名自稱族籍係本府耆夫子由民軍帶至縣署張大令諭飭暫行收禁候訊明核辦今日張令權理縣事

仍照尋常辦理街市貿易如常

○十點鐘將老者由禁提出處也

○革黨在武漢三處徧張安單

▲中華民國制軍政府鄂軍

今奉軍政府命 告我國

凡我義勇到處 爾等

我爲救民而起 竝非

拔爾等於水火 補爾

爾等前此受虐 甚於

只因異族專制 故此

須知今日滿奴 並非

中華民國三年三月

縱有衝天義憤 報復竟無所施

我今爲此不忍 赫然首舉義旗

第一爲民除害 與衆戮力驅馳

所有漢奸民賊 不許殘息久支

賊昔食我之肉 我今寢賊之皮

有人急興大義 宜速執鞭來茲

共圖光復事業 漢家中興之期

建立中華民國 同胞無有差池

士農商工爾衆 定心同逐蠻夷

軍行素有紀律 一體相待不欺

願我親愛同胞 人人敬聽我詞

黃帝紀元四千六百零九年八月十九日

○又一函云十九日督轅斬決革黨七人後軍警搜捕益急是夜十點鐘時遂致軍隊忽變警兵不能爲力站崗皆逃守望所全毀一時鎗砲喧天見有砲兵數人在大朝街遇有憲兵排長帶憲兵巡夜將排長鎗斃憲兵皆逃武昌門內同時亦殺斃憲兵一人十點半鐘砲隊運來陸路砲三尊架於蛇山高處對督轅攻擊延燒舖戶數家

○二十日黎明時蛇山軍隊駐紮已滿旂幟皆變新樣花係衆星向日形式諸機關前亦樹有新旗測繪及陸軍小學兩學堂學生皆與營各兵士變成一樣服色荷槍從事

○軍隊之變由工程八營發始於十九日之夜九點鐘時全營鼓噪喊變之聲達我營外其督隊官阮榮發右隊隊官黃坤榮排長張文濤等不從被衆兵士槍斃其後隊隊官羅子青願從趕殺同隊排長鄺世杰該排長已先時遠揚外步隊二十九三十兩標亦因軍官不從槍斃管帶二人排長二人隊官一人

姓名未詳其殺斃旗人兵士即楚望台一處已有三十餘人旗人皆聞風逃遁
無蹤跡

○蛇山腰際樹大旗一幟架有大炮三尊軍隊人數約有三營之譜鳳皇山樹
旗一幟架有開花炮二尊軍隊約有一營餘人楚望台樹大旗一幟架有陸路
炮二尊約有兩營餘人外該處軍械庫派有一營人把守望山門樹有大旗一
柱架有山礮二尊軍隊全標在此駐紮其司令處及全營糧台皆在諮議局內
此次該黨分配大勢專注重山前其山後次之

○又十九日夜二點鐘時工程隊八營左隊兵士突然各自整齊軍裝荷鎗攜
至火藥庫而該營督隊官阮榮發右隊隊官黃坤榮右隊二排排長張文濤等
三人出頭阻止及兵士怒將阮督隊官等一併殺斃二句半鐘時該兵士等整
隊出營向火藥庫進發道經第十五協該兵士亦羣相策應齊至火藥庫將鎗
繳子彈悉數搬出用騾車拖至蛇山下關馬廠諮議局旁放置三點鐘時兵士

等分攻各署局瑞督以及各司道皆聞風逃遁絕無蹤跡鎗炮之聲澈夜不停
○二十日天將破曉時炮隊八標進城佔據高觀山巔裝開花鋼彈向督署射
擊步隊各標營亦隨登山巔及山腹惟工程隊一營在中和門楚望台方地駐
紮

○軍隊所到之處如高觀山巔楚望台坡上及閩馬廠諮議局門首均豎有桿
長二丈餘紅洋布上繪七星圖之旗幟

○砲隊駐高觀山巔向督署快射直至十一點鐘時始停砲彈所落之處俱有
燃燒以故督署頭門藩署號房及王府口乾記衣莊不夜茶樓皆被焚燬督署
附近一帶居民大半被砲彈所炸傷故山前居民於下午一點鐘時搬遷出文
昌門者絡繹不絕兵士以與民無涉等語勸其勿怖恐慌

官兵士一見相識之旗人及回營之旗兵立即格殺故大朝街有一旗籍憲兵
排長屍首望山門有旗籍兵士屍首七具文昌門內一具通湘門內有男屍九

具女屍四具中和門內旗籍兵士屍首五具其餘街巷尙待調查

○中和門外馬隊八標兵士至九點鐘時尙安靜如故十點鐘時始不服官長命令各自整齊服裝乘馬進城至閱馬廠駐紮

○又十九日夜九時省垣有多數軍人各持槍械沿街勸令各舖戶一律閉市各舖戶恐遭不測故均閉市旋即聞砲聲轟擊竟夜不絕迨至次晨五時餘外間即紛傳鄂軍全體攻破督署幸帥脫逃王府口不夜茶樓均被焚燬軍等又往鳳凰山拖砲前來攻打藩署兼以占領藩庫該軍等或十餘人一隊或二三十人一隊俱持軍械左手纏白布爲記在官錢局一帶架砲旋來馬兵一人喧傳都督佈告不准在城內放砲免傷平民以保治安惟必須圍住免其逃逸迨至十二時有辭兵始見藩署後院毀破一方當即告知都督派軍多人毀門入內空無一人立即留四十餘人保守廣備庫藩署三方面之半里內地俱不准閒人行走官錢公儲各局及售賣民間日食應用各物舖店亦派軍保護迨至

下午一時又傳佈告命各隊兵齊集諮議局會議一切手續及現時布置其大略係將省城分三重要機關第一隊以蛇山爲中軍駐紮地設砲五尊草湖門鳳凰山爲第二隊設砲三尊黃鶴樓爲第三隊設砲兩尊俱爲防守下游及北洋兵隊計其軍火俱由楚望台逆存諮議局直至三時前無甚舉動僅見百姓紛紛趕逃出城盡因兵等均分布巡士城門無人看守故民等得自由逃出至四時後各通衢鬧市俱發現一種安民韻示大意勸民不必驚疑及此次舉動宗旨示前銜名係中國民國軍政府鄂軍都督黎字樣平民等俱往看示諭際忽見該軍等又調隊往文昌門追趕敵兵蓋有砲隊某隊兵不肯服從逃往漢陽故特追及迨追至江岸時該兵已開往江心矣惟見江中泊有兵艦三艘俱鑿國旗想係由外省調來者此事該軍等占領鄂垣其情形最爲秘密布置完畢後外人始知惟是日夜橫街頭福德公錢店弓箭街玉成齋靴店府街口信義成錢店俱被劫搶實係無賴痞流乘此滋擾云